

# Ayat Majmuk

Oleh SUHAIMI MOHD SALLEH

**Ayat majmuk ialah ayat yang mengalami peluasan. Ada tiga jenis ayat majmuk, iaitu ayat majmuk gabungan, ayat majmuk pancangan dan ayat majmuk campuran.**

Dalam pembentukan wacana bahasa Melayu, khususnya untuk laras akademik, ayat majmuk paling banyak digunakan. Menurut *Tatabahasa Dewan*, edisi ketiga, ayat majmuk dibina dengan mencantumkan dua ayat tunggal atau lebih mengikut cara yang tertentu. Oleh hal yang demikian, ayat majmuk ialah ayat yang terdiri daripada beberapa ayat tunggal.

Ayat majmuk juga dapat didefinisikan sebagai ayat yang terhasil daripada proses peluasan. Proses peluasan bermaksud penambahan unsur yang tertentu dalam ayat asal, iaitu ayat tunggal, yang menyebabkan ayat itu mengalami pertambahan maklumat. Peluasan atau pertambahan maklumat itu terjadi dengan penggunaan kata hubung.

- 1a. Dia sangat kaya.
- 1b. Dia tidak sompong.

Ayat 1a dan ayat 1b ialah ayat tunggal. Apabila kedua-dua ayat itu dicantumkan, akan terhasillah ayat majmuk yang berikut:

- 1c. Dia sangat kaya **tetapi** dia tidak sompong.

Ayat baharu itu disebut sebagai ayat majmuk kerana mengandungi dua ayat tunggal yang dicantumkan dengan menggunakan kata hubung **tetapi**. Ayat tunggal 1a mengandungi satu maklumat sahaja, iaitu "kaya".

Setelah dicantumkan dengan ayat tunggal 1b yang mengandungi satu maklumat yang lain, iaitu "tidak sompong", ayat yang baru terbentuk (ayat 1c) itu kini mempunyai dua maklumat. Dengan hal yang demikian, ayat 1c telah mengalami peluasan.

Ayat majmuk juga dikatakan sebagai ayat yang mengandungi lebih daripada satu klausa. Klausa yang dimaksudkan ialah unit yang dapat bersifat ayat, iaitu yang mengandungi konstituen subjek dan predikat. Ayat 1a merupakan satu klausa dan ayat 1b merupakan satu klausa yang lain. Kedua-dua klausa tersebut dianggap sebagai klausa bebas kerana membawa makna dan dapat berdiri sendiri. Setiap ayat atau klausa bebas tersebut mengandungi satu subjek dan satu predikat sahaja. Sebaliknya, ayat 1c mengandungi dua klausa kerana dibina dengan menggunakan dua subjek dan dua predikat.

Ayat majmuk terdiri daripada ayat majmuk gabungan, ayat majmuk pancangan dan ayat majmuk campuran. Ketiga-tiga jenis tersebut dikategorikan mengikut jenis dan jumlah kata hubung yang digunakan dalam proses mencantumkan klausa yang berkenaan.

Ayat majmuk gabungan ialah ayat yang menggunakan kata hubung gabungan. Ayat yang disambungkan itu bersifat setara atau sama taraf dan dapat berdiri sendiri. Kata hubung terdiri daripada dua jenis utama, iaitu gabungan susunan fakta berurutan dan gabungan pertentangan fakta.

**Jadual 1** Kata hubung gabungan yang membentuk ayat majmuk gabungan.

Jenis Kata Hubung Gabungan	Kata Hubung	Contoh Penggunaan dalam Ayat
Gabungan susunan fakta berurutan	<ul style="list-style-type: none"> <li>• atau</li> <li>• dan</li> <li>• kemudian</li> <li>• lagi</li> <li>• lalu</li> <li>• malahan</li> <li>• sambil</li> <li>• serta</li> <li>• tambahan pula</li> </ul>	<ol style="list-style-type: none"> <li>2. Saya tidak pasti dia akan datang <b>atau</b> tidak.</li> <li>3. Ayah bangun, <b>kemudian</b> meninggalkan kami.</li> <li>4. Bangunan itu sungguh besar <b>lagi</b> cantik.</li> <li>5. Pemuda itu memarahi mereka, <b>malahan</b> menghalau mereka dengan kasarnya.</li> <li>6. Pekedai tersebut tidak mesra pelanggan, <b>tambahan pula</b> kedainya tidak banyak pilihan.</li> </ol>
Gabungan pertentangan fakta	<ul style="list-style-type: none"> <li>• kecuali</li> <li>• melainkan</li> <li>• padahal</li> <li>• sebaliknya</li> <li>• tetapi</li> </ul>	<ol style="list-style-type: none"> <li>7. Mak Mah pasti datang, <b>kecuali</b> ada hal yang tidak dapat dielakkan.</li> <li>8. Permainannya masih kurang kemas, <b>padahal</b> sudah dilatih berbulan-bulan.</li> <li>9. Pegawai itu tidak pernah hadir, <b>sebaliknya</b> menghantar wakil sahaja.</li> </ol>

Ayat majmuk terdiri daripada ayat majmuk gabungan, ayat majmuk pancangan dan ayat majmuk campuran. Ketiga-tiga jenis tersebut dikategorikan mengikut jenis dan jumlah kata hubung yang digunakan dalam proses mencantumkan klausula yang berkenaan.

Ayat majmuk pancangan ialah ayat yang menggunakan kata hubung pancangan. Dalam pembentukan ayat majmuk itu, satu ayat terdiri daripada ayat utama atau ayat induk, manakala satu atau lebih ayat yang lain, yang disebut sebagai ayat kecil, dipancangkan ke dalam ayat induk itu. Pemancangan ayat kecil tadi menggunakan kata hubung pancangan. Ada tiga subjenis ayat majmuk pancangan, iaitu ayat majmuk pancangan relatif, ayat majmuk pancangan komplemen dan ayat majmuk pancangan keterangan. Ketiga-tiga subjenis itu masing-masing dihasilkan dengan penggunaan kata hubung relatif, kata hubung komplemen dan kata hubung keterangan.

**Jadual 2** Kata hubung pancangan yang membentuk ayat majmuk pancangan.

Jenis Kata Hubung Pancangan	Kata Hubung	Contoh Penggunaan dalam Ayat
Pancangan relatif	• yang	<ol style="list-style-type: none"> <li>10. Baju <b>yang</b> dipakainya itu dihadiahkan oleh pak ciknya.</li> <li>11. Mereka berjaya menyelesaikan masalah <b>yang</b> rumit itu.</li> </ol>
Pancangan komplemen	<ul style="list-style-type: none"> <li>• bawaha</li> <li>• untuk</li> </ul>	<ol style="list-style-type: none"> <li>12. Polis mengesahkan <b>bawaha</b> penceutus kekacauan itu telah ditahan.</li> <li>13. Tidak mudah <b>untuk</b> memujuknya kembali ke sini.</li> </ol>
Pancangan keterangan	<ul style="list-style-type: none"> <li>• agar</li> <li>• ketika</li> <li>• kerana</li> <li>• sekiranya</li> <li>• seperti</li> </ul>	<ol style="list-style-type: none"> <li>14. Kami selalu berdoa <b>agar</b> kamu cepat sembah.</li> <li>15. Mereka sering bergaduh <b>ketika</b> kecil dahulu.</li> <li>16. Dia berlagak <b>seperti</b> orang kaya di hadapan tetamu kenamaan.</li> </ol>

Ayat majmuk pancangan keterangan terdiri daripada beberapa jenis, bergantung pada kata hubung yang digunakan. Ayat majmuk keterangan wujud dalam konstituen atau bahagian predikat kerana fungsinya untuk menerangkan atau menjelaskan hal predikat. Walau bagaimanapun, ayat keterangan ini boleh mendahului atau mengikuti ayat induk.

**Jadual 3** Kata hubung pancangan keterangan yang membentuk ayat majmuk pancangan keterangan.

Jenis Kata Hubung Pancangan Keterangan	Kata Hubung	Contoh Penggunaan dalam Ayat
Keterangan musabab	<ul style="list-style-type: none"> <li>• kerana</li> <li>• lantaran</li> <li>• oleh sebab</li> </ul>	17. Pegawai itu terlambat sampai <b>kerana</b> kenderaannya menghadapi masalah enjin. 18. <b>Oleh sebab</b> mereka meminta maaf, mereka dapat menyertai pertandingan itu semula.
Keterangan akibat	<ul style="list-style-type: none"> <li>• hingga</li> <li>• sehingga</li> </ul>	19. Dia bercakap terlalu kuat <b>hingga</b> terbatuk-batuk. 20. Arman merayu orang itu berkali-kali <b>sehingga</b> permintaannya diterima.
Keterangan syarat	<ul style="list-style-type: none"> <li>• andai kata</li> <li>• jika</li> <li>• jikalau</li> <li>• kalau</li> <li>• sekiranya</li> </ul>	21. Kita akan meninggalkannya <b>andai kata</b> dia tidak sampai dalam masa 10 minit. 22. <b>Jikalau</b> anda tidak berpuas hati, anda harus menghubungi bahagian itu dengan segera. 23. Kita tidak dibenci <b>sekiranya</b> kita pandai mengambil hati orang lain.
Keterangan waktu	<ul style="list-style-type: none"> <li>• ketika</li> <li>• sejak</li> <li>• semenjak</li> <li>• sementara</li> <li>• setelah</li> <li>• sewaktu</li> <li>• tatkala</li> </ul>	24. Kami berkawan baik <b>ketika</b> sama-sama bersekolah di bandar itu. 25. <b>Sementara</b> menunggu ayahnya sampai, dia menyiapkan karangan itu. 26. Ibu masih di baruh <b>tatkala</b> hujan turun dengan lebatnya.
Keterangan pertentangan	<ul style="list-style-type: none"> <li>• biarpun</li> <li>• kendatipun</li> <li>• meskipun</li> <li>• namun</li> <li>• sedangkan</li> <li>• sekalipun</li> <li>• sungguhpun</li> <li>• walau</li> <li>• begaimanapun</li> <li>• walaupun</li> </ul>	27. <b>Kendatipun</b> telah ketinggalan, pasukan itu tetap memberikan saingan sengit. 28. Dia masih mahu melanjutkan pelajaran <b>sekalipun</b> sudah berusia 45 tahun. 29. Budak itu masih bermain <b>walaupun</b> hari sudah senja.
Keterangan harapan	<ul style="list-style-type: none"> <li>• agar</li> <li>• kalau-kalau</li> <li>• supaya</li> </ul>	30. Kita tunggalah dia dahulu <b>kalau-kalau</b> dia sampai sekejap lagi. 31. Sama-sama lah kita berdoa <b>supaya</b> dia cepat insaf.

Keterangan cara	<ul style="list-style-type: none"> <li>• dengan</li> </ul>	32. Rosli memotong tali itu <b>dengan</b> menggunakan gunting. 33. <b>Dengan</b> menunggang motosikal, mereka sampai di kawasan jeram itu.
Keterangan tujuan	<ul style="list-style-type: none"> <li>• bagi</li> <li>• demi</li> <li>• untuk</li> </ul>	34. Bagi memudahkan urusan tersebut, mereka sanggup bekerjasama. 35. Jawatankuasa itu dibentuk <b>untuk</b> menangani masalah penduduk di situ.
Keterangan perbandingan	<ul style="list-style-type: none"> <li>• bagaikan</li> <li>• bak</li> <li>• ibarat</li> <li>• macam</li> <li>• seakan-akan</li> <li>• seolah-olah</li> <li>• seperti</li> <li>• umpama</li> </ul>	36. Wajahnya kelihatan sangat pucat <b>bagaikan</b> baru temampak puaka. 37. Ramli diam sahaja <b>seolah-olah</b> tidak mendengar panggilan itu. 38. <b>Umpama</b> anak kecil, dia tidak segan-segan menangis di hadapan emaknya.

Ayat majmuk campuran ialah ayat yang mengandungi campuran lebih daripada dua ayat tunggal atau deretan berbagai-bagi jenis ayat majmuk. Cara yang paling mudah untuk mengenali ayat majmuk campuran adalah dengan melihat bilangan kata hubungnya yang berjumlah dua atau lebih. Kata hubung yang digunakan terdiri daripada jenis yang berlainan.

39. Bas **yang** sudah lama tiba di stesen itu masih belum berlepas **walaupun** penumpangnya sudah penuh.
40. Murthy **dan** Hasnol tidak menyertai pertandingan itu **kerana** tidak mencapai had umur **yang** dikehendaki.
41. Jurucakap itu berkata **bahawa** rangka kapal itu akan ditimbulkan pada minggu ini juga **sekiranya** peralatannya tiba awal.

Kesimpulannya, ayat majmuk ialah ayat yang mengalami peluasan dengan penambahan klausa keterangan, sama ada secara gabungan ataupun pancangan. Ayat demikian dapat dikenali melalui kewujudan ciri yang berikut:

- Ayat tersebut terdiri dengan lebih daripada satu ayat tunggal atau lebih daripada satu klausa.
- Ayat tersebut mengandungi lebih daripada satu subjek atau lebih daripada satu predikat.
- Ayat tunggal atau klausa yang berkenaan dihubungkan dengan menggunakan kata hubung yang sesuai. **PB**